

Optužen za pranje novca: Dodik negira da se u Njemačkoj vodi proces protiv njega

15/11/2012 21:01 by Administrator

Iz Kabineta predsjednika RS-a Milorada Dodika demantovano je da se protiv njega i njegovog sina vodi bilo kakav postupak pred domaćim sudovima i tužilaštvima. Protiv predsjednika Republike Srpske Milorada Dodika i njegovog sina ne vodi se nikakav postupak pred domaćim sudovima i tužilaštvima, a pogotovu ne u Višjem tužilaštvu u Münchenu i bilo kom sudu u inostranstvu,

Protiv predsjednika Republike Srpske Milorada Dodika i njegovog sina ne vodi se nikakav postupak pred domaćim sudovima i tužilaštvima, a pogotovu ne u Višjem tužilaštvu u Münchenu i bilo kom sudu u inostranstvu, kako je to ovih dana iskonstruisao jedan portal iz susjedstva, koji očigledno uređuju novinarsko i obavještajno podzemlje budući da dopušta da se ovakve laži i konstrukcije javno objavljuju, stoji u reagiranju iz Dodikovog kabineta.

Navode da će pomenuta, smisljeno plasirana neistina, pripada arsenalu specijalne propagande koja se vodi protiv Republike Srpske i njenog predsjednika Milorada Dodika uvijek kad Republika Srpska pokaže svoju stabilnost i vitalnost da prevaziđe sve probleme sa kojima se susreće.

-Predsjednik Republike Srpske Milorad Dodik nije učestvovao ni u kakvim aferama, a takve dezinformacije danas plasiraju lažni novinari koji se bave pokušajem ucjene i reketa, tvrdi se.

Da je onima koji smisljaju te diskriminirajuće konstrukcije stalo do istine, kako se dodaje, lako su je mogli ustanoviti pitajući predsjednika Dodika ili banke koje se pominju.

-Međutim, ovdje se nije tragalo za istinom i činjenicama već za diskriminacijom i blaženjem predsjednika Republike Srpske, njegove porodice, a time i Republike Srpske pokušavajući da se prikaže kriminalnom zajednicom, stoji u reagiranju.

Zbog toga je, kako navode, Dodik angažirao ekipu međunarodnih advokata, koja će ispitati ko sve stoji iza ovakvih konstrukcija, a nakon što se to će utvrditi protiv njih podnijeti tužbe za laž, neistine i pokušaj diskvalifikacije.

Dodik također poziva i Hypo banku, koja se pominje u ovom tekstu, da javno objavi da li on ima račun u toj banci.

-Tako će se ustanoviti i razotkriti nečasna urota i pokušaj diskvalifikacije predsjednika Republike Srpske, zaključuje se u reagiranju iz Dodikovog kabineta.

Podsjetanja radi, pojedini mediji prenijeli su informaciju portala - seebiz.eu u kojoj se navodi da da je dopisom od 5. novembra 2012. godine, Glavno tužiteljstvo u Münchenu potvrdilo kako je pod brojem spisa 2094/ot, Višjem tužiteljstvu München I, naložilo pokretanje postupka protiv Hypo Alpe Adria Banke u Banja Luci, kao i protiv Milorada Dodika i Igora Dodika, zbog višestrukih kaznenih djela; 'kuhanja poslovnih knjiga' (krivotvorenja i lažnog prikazivanja podataka), prevara u poslovanju, te ciljanog uništavanja solventnog i likvidnog komitenta po narudžbi nepoznatog počinilca.

Dopunom navedene kaznene prijave od 24. oktobra 2012. godine, kako navodi ovaj portal, Milorada Dodika i njegovog sina Igora, teretilo se za pranje novca, te uzimanje novca za politički reket, odnosno uzimanje novca od Hypo Grupe na tajni račun Dodikovog sina za pružanje nezakonitih usluga političke zaštite Dodikove vlasti Hypo Alpe Adria Banci u Banja Luci.

Na temelju priloženih dokaza i dokumenata, Glavno tužiteljstvo u Münchenu očitito je smatralo kako postoji osnovana sumnja za pokretanje istrage u ovom slučaju, te je Visokom tužiteljstvu München I, naloženo pokretanje istrage u predmetu pod brojem 2094/ot, protiv Hypo Alpe Adria Banke u Banja Luci, Milorada Dodika, Igora Dodika, te ostalih za koje se utvrdila umiješanost u ovu korupcijsku aferu, stoji u toj informaciji.

Izvor vijesti. Dnevni Avaz